

Fotokonkursa “Latgales podnieki laika ritumā” nūlykums

"Latgolys fotografu bīdreiba" sadarbībā ar Rēzeknis nūvoda tautys lītiškuos muokslys studeju "Rēzeknes apriņķa pūdņiki" taisa fotokonkursu “Latgales podnieki laika ritumā”, kas veļteits Latgolys pūdņiku dīnu 45 godu jubilejai.

Konkursa mierki:

1. Sakarā ar Latgolys pūdņiku dīnu 45 godu jubileju apkūpuot materialu i izveiduot izstuodi nu vysaidu laiku Latgolys pūdņiku dzeivis i darbeibys nūtikšonu.
2. Pīsaisteit Latvejis fotomuokslinīku – kai profesionāļu, tai amateru – spiejis i talantus Latgolys pūdņiku dzeivis i darbeibys atspīgeļuošonai.
3. Pīsaisteit Latvejis fotografu sabīdreibys uzmaneibu, dokumentejūt Latgolys pūdņiku tradicionaluos sovpatēibys, portretus, darbeibys momentus, izmontojūt muokslys izteiksmis leidzekļus ar foto reportažys žanra paleidzeibu.
4. Īgiut Latgolys keramiku darbeibys attālu i portretu kolekceju, kas spātu atkluot pūdņiku individualitati, taidā veidā boguotynojuūt nūvoda viesturis arhivu ar pūdņiku portretim i jūs dorba ainom dabiskajā vidē.
5. Nu konkursā dabuotajim materialim sataiseit izstuodi, boguotynojuūt Latgolys pūdņiku dīnu pasuokumu.
6. Pasuokumā īsaisteit fotomuokslinīkus, profesionalus meistaros i fotografejis entuziastus.

Konkursa nūsacejumi:

1. Dorbim juoattāloj Latgolys keramiki vysaiduos dzeivis situacejuos. Fotografiešonys laiks nav īrūbežuots. Svareigi, kab biļdēs byutu radzamys meistaros rakstura sovpatēibys, sadzeive, iztureiba i mīleiba pret sovu omotu.
2. Karteņom juobyut atbylstūšom laikmeteiguos vizualuos informacejis i lobys fotografiskuos gaumis praseibom.
3. Izvīrtiešonai teik pījimti malnboltā i kruosu tehnikā veiduoti fotografiski faili JPG formatā (2–5 MB), kab byutu vareiba izdrukuot 60 × 90 cm lelys fotografejis izstuodei.
4. Fotografiešonys periods nav īrūbežuots; pīļaujams īsnēgt ari viesturyskys kartenis.
5. Nu kotra autora teik pījimti leidz 10 dorbim, īsnādzūt tūs da 2026. gods 30. janvara.
6. Failim juobyut saglobuotim ar autora vuordu, uzvuordu i dorba nūsaukumu. Īsyutūt failus, papyldus juopīvīnoj *Word* dokuments ar autora telefona numeri, e-posta adresi, karteņā radzamuo pūdņika vuords i uzvuords, darbneica i cyta svareiga informaceja.
7. Dorba faili juoīsnādz, nūsyutūt saiti caur failiem.lv iz e-posta adresi: lauraplus@inbox.lv.
8. Kotrys autors, kura dorbi izturēs konkursa nūsacejumus, sajims atzineibys rokstu.
9. Konkursa golvonī uzvarātuoji sajims reikuotuoju diplomus saskaņā ar žūrejis vīrtiejuumu. Konkursā īsnāgtūs dorbus vērtēs kompetenta žūreja. Konkursa rezultatus reikuotuoji ir tīseigi publicēt presē i socialajūs medejūs, napuorkuopūt autortīseibu lykumu.
10. Dorbus īsnādz autors, kurs ir atbīldeigs par autortīseibu īvāruošonu.
11. Dorba īsyuteišona teik skaiteita par autora pīkrisšonu vysim itymā nūlykumā mynātajim nūsacejumim.
12. Organizatori tur nūceju iz fotografu atsauceibu nu vysu Latvejis nūvodu. Aicynojs aktīvi pīsadaleit konkursā, kam tei ir breineiga vareiba puorsavērt sovu arhivu i puorbaudeit sovys spiejis, kab kūpeigi atbaļsteitu Latgolys pūdņiku dīnu pasuokumu.